

杭縣志稿

第二册
市仲遜題



地 26011

42

舟二江

杭縣志稿卷二 通紀

通紀一

夏禹東去，舍杭登陸於此，因名餘杭。寰宇記引郡國志

案今本郡國志無禹舍杭事，咸淳志以舊志皆

云杭因禹得名，考禹治淞河見山海經，夏書三

江既入，見班志，北江即今大江，中江出蕪湖，南

江出寧國，由浙入海，阮氏元南江圖考謂由安

徽池州府過寧國府會太湖過吳江石門出仁

和縣臨平半山之西南。原注今塘樓折而東北由餘

杭北入海，史記夏本紀泥行用橈，正義云杭州

杭縣志稿卷二

有之，皆足為浙江禹蹟之證，而統一區宇，尤以會

諸侯戮防風氏為大關鍵，蓋武康為古防風氏國，

都禺山。今地名楊墳，度溪即杭縣境仲尼所謂汪芒氏之君守

封禺之山者也，神州古史考引郡國志云，餘杭金

鵝山，防風氏都此，下有風渚，即古鄭瞞國也。今本郡國

志無此文，萬曆志謂山旁支隴直抵錢塘與龍門山相接又德清於潛並有金

鵝山。於潛又有地風山，風多自石穴中起，杭州府志謂古防風國似在此大抵防風

氏國土，延袤杭湖二郡之間，自禹到大越，上苗山

以朝四方羣臣，戮防風之長，示天下悉屬禹乃大

會計，爵有德，封有功，更名苗山曰會稽，於是華夏

會計，爵有德，封有功，更名苗山曰會稽，於是華夏



文化由長江而達浙水，故餘杭郡縣及杭州杭縣之名，要皆紀念明德。舉其舍杭登陸事。說文：杭，方舟也。方舟者，並舟也。猶今之浮橋也。長留紀古者也。

少康六十一歲封少子魚餘于越。餘一作余。從民所居，居于秦餘。春秋奉禹祀。杭地屬焉。通鑑輯覽：咸淳志。

案無餘封越，能繼禹功。於是后杼、帝禹皆有南巡遺蹟。烏程杼山、長興夏駕山皆以夏后杼南巡得名。武康禹山，一云夏帝禹南巡至此。按帝禹亦作帝禹。杭地為越之西境，當上會稽祭禹陵

通道。今古蕩發掘之石器，良渚之石器與黑陶、攷古家決為在甲骨文前。與魯、豫出土者同。要

杭縣志稿卷二

二

知非中州文化之灌輸，盛於無餘封越後耶。書缺有間，得此足互證矣。

周敬王二十六年，吳敗越於夫椒。夫山者，句踐絕糧

困也。去縣十五里。距越山陰城甚近。當吳王興師伐越，越王

句踐與戰於浙江之上，石買為將，斬殺無罪，動搖將

卒，伍員乃見可奪之證，變為奇謀。或北或南，夜舉火

擊鼓，晝陳詐兵。越師潰，墜樓於會稽之山，員乃浮兵

守會稽北城。越日行成於吳，吳引兵而去。句踐將降，

西至浙江，待詔入吳。吳王許之。杭地屬吳。通鑑輯覽：咸淳志：越

絕書

按史記索隱賈逵云夫椒越地蓋近之杜預以為在太湖中非戰所考水經注越北鄙在嘉興浙江又東逕柴辟南舊吳楚之戰地按楚疑當作越備候於此故謂之壁塞是以越絕稱吳故從由拳壁寨渡會稽湊山陰是也據此則柴壁乃渡江要道東晉疆域志引顧舒傳謂錢塘有柴壁方輿紀要作柴壁即水經注之柴辟春秋大事表謂吳越戰事杭在其中曾無藩籬之隔蓋未加深考耳

三十年越王句踐自吳歸國吳王夫差增之以封西

杭縣志稿卷二

三

至於攜李北至於平原杭地仍屬越史記年表吳越春秋咸淳志

顯王三十五年越王無疆伐齊齊使人說之伐楚楚人大敗之乘勝盡取吳故地東至於浙江杭地屬楚

越以此散諸公族爭立或為王或為君濱於江南海上而服朝於楚史記咸淳志

案杭地屬吳屬越諸說紛如考嘉興府志禾郡地名見於春秋國語越絕諸書者曰攜李曰禦免曰平原皆在嘉興一府之地可見春秋當日嘉興實為吳越分界而史記所謂吳故地者就本吳故地為越所得者言之至浙江者言併越以西浙江原有之地而楚盡取之也如此則浙

西屬楚浙東仍為越而服朝於楚別白自明

秦始皇二十五年王翦定江南地降越君以吳越地

置會稽郡領縣二十有四在杭者四錢塘其一也史記

萬曆錢唐縣志

案水經注靈隱山下有錢唐故縣相傳為秦漢

縣治所靈隱山即武林山今靈隱諸山總名班

志謂武林水所出東入海其下有行八百三十

里六字全謝山水經漸水篇跋以此六字為穀水

入江之程乃太末條下錯簡武林水即西湖為

古代湖與江通之證古史考云今武林西湖三

面皆山其一為杭州郡城乃古江水所逕城中猶存漾沙坑洋壩是時

杭縣志稿卷二

四

建宮啟宇自就高地為宜吳地記粟山上有城

或即古錢唐縣因山為城遺迹云

三十七年始皇出游至錢唐臨浙江水波惡乃西百

二十里從狹中渡上會稽祭大禹望于南海而立石

刻頌秦德史記

案越絕吳地傳秦始皇造通陵南可通陵道到

由拳塞南起馬塘湛以為陂治陵水道到錢唐

越地通浙江與水經注從東江出浙江之說大

致相符其經錢唐水波惡即鹽官海渡直指同

蒲趨西陵之道也從狹中渡即酈氏所云餘杭

之西津說見古通鑑注謂在富陽分水之間然

餘杭因始皇上會稽途出此地遂立為縣見吳興記或疆界與地勢今古有不同歟

二世元年春二世東行郡縣李斯從至會稽盡刻始皇所立刻石旁著大臣從者名以章先帝成功盛德而還資治通鑑

案二世至會稽必經錢塘故紀之

秋楚項梁起兵于吳史記正義曰時會稽郡梁下相所理在吳國閭城中

人與兄子籍避仇吳中會稽守殷通素賢梁聞陳勝起欲發兵應勝使梁將梁請召籍籍拔劍斬

杭縣志稿卷二

五

守梁持守頭佩其印綬召故所知豪傑所為起大事遂舉吳中兵收下縣得八千人梁自為會稽守籍為裨將徇下邑通鑑輯覽

案通鑑注下邑會稽管下諸縣錢唐與焉據此知項氏初起事即得會稽郡

楚元年項籍自立為西楚霸王梁楚地九郡都彭城九郡者會稽郡故鄣郡故東陽郡剡郡薛郡碭郡潁川郡東郡是也史記劉文淇楚漢諸侯疆域志

案會稽為九郡之一錢唐屬西楚

漢高帝五年灌嬰渡江破吳郡長吏吳下得吳守遂

定吳故豫章會稽郡還定淮北凡五十二縣漢書灌嬰傳

案錢唐嘗與五十二縣之列漢書地理志稽疑

云會稽郡高祖五年屬漢半屬楚蓋前以項羽

所封楚地王韓信也至吳非秦郡稽疑謂楚漢

之間分會稽立當是項氏所置

六年春正月以故東陽郡鄆郡吳郡五十三縣立劉

賈為荆王賈高帝從父兄也數有大功遂王淮東都

吳抗屬焉漢書史記年表

案錢唐屬荆王國錢氏大昕通鑑注辨正云吳

與會稽實是兩郡史或稱東陽鄆吳會稽為三

杭縣志稿卷二

六

者後見吳即會稽所分言吳可以包會稽也至東

陽鄆吳三郡皆楚漢之際項羽置非秦故郡鄆

秦郡十七史商其後東陽為臨淮郡鄆為丹陽

郡吳并為會稽郡此故字似後人追稱

十二年淮南王英布反東擊荆荆王賈走死國除仍

為郡將軍周聚定吳郡封博陵節侯張錫瑜史表功

漢書史記年表

十月更以荆為吳國立故代王子沛侯劉濞為吳王

王三郡五十三城都廣陵杭屬焉通鑑輯覽漢書諸

侯年表漢書江都

易王傳注

咸淳志

案錢唐屬吳王國三郡漢書注即賈舊封亦有作四郡者武帝元狩元年夫吳四郡通鑑注東陽鄣吳豫章錢氏大昕辨正謂漢書五行志亦云吳王濞封有四郡五十餘城四郡者東陽鄣吳會稽也豫章郡別屬淮南國不在吳濞封內濞傳所載吳有豫章郡銅山及削吳會稽豫章兩郡章昭注皆曰豫字衍但當云章郡昭三國吳人章鄣古道當可從考烏程武康兩縣有銅官山銅峴山銅嶺銅井傳為濞鑄錢處具見吳興舊志其地皆在故鄣郡是又於昭注得一確

杭縣志稿卷二

七

證矣

文帝前九年會稽併故鄣郡太守治故鄣都尉治山陰前十六年太守治吳郡都尉治錢唐

越絕書

案漢儀注吏四百石以下諸侯王得自除國中僅指丞尉而言其上如守治郡都尉典武職則皆置自天子濞親越謀宗蓄之有素然吳都廣陵欲通東越必經吳郡與錢唐文帝所置守尉必皆朝廷親信之臣其後濞敗度淮所謂東越兵乃東越將兵在丹徒也

見史記注

其不能經吳下

走錢唐渡浙江而據東越地者則移治後之守

尉為之限難破吳之策定於此矣

景帝三年詔削吳之會稽郡吳先起兵殺漢吏二千石以下膠西膠東菑川濟南楚趙諸王亦皆反迺遣太尉條侯周亞夫將三十六將軍擊吳楚吳大敗漚度淮保東越東越兵可萬餘人收聚亡卒漢使人以利啗東越東越即給漚漚出勞軍使人鏃殺漚盛其頭馳驛以聞

楚趙膠西諸王自殺膠東菑川濟南諸王伏誅

復為會稽郡漢書

案錢唐自此屬漢他志有據江都易王傳治吳故國及地理志會稽郡下屬江都三字謂會稽

杭縣志稿卷二

八

又屬江都然易王傳注顏師古曰治謂都之劉漚所居僅治所同廣陵也地志於廣陵縣注江都易王非屬王胥皆都此并得鄣郡而不得吳

吳即會稽見前與本志會稽屬江都之說互歧吳志虞

翻傳注引會稽典錄朱育曰景帝四年漚反誅乃復為郡又越絕吳地傳曰景帝五年五月會稽屬漢二者紀年雖小異其不及江都之事則同育三國吳人越絕漢袁康撰見聞近較可據則屬江都三字係以會稽郡之疑是衍文依咸淳志例不復載焉

武帝元狩中置錢唐西部都尉杭州圖經

案古史考西部都尉治在武林山其定在處久不可考三國虞翻傳注元鼎中除東越立東部都尉後徙章安陽朔二年又徙治鄞或有寇害復徙句章地理志不載東部都尉惟回浦有南部都尉洪氏頤煊讀書節錄謂晉太康記章安本鄞之回浦鄉南部是東部之謫

元封元年漢兵入東越境東越素發兵距險使徇北將軍守武林通鑑輯覽注今江西餘干縣樓船將軍東北有武陵山即古之武林樓船將軍卒轅終古斬徇北將軍越建成侯敖等殺餘善以其

杭縣志稿卷二

象降上封終古為禦免侯通鑑漢紀

案轅終古為錢唐人以武功著於歷史之始故特紀之

五年置刺史部十三州會稽郡屬揚州領縣二十六

錢唐居其一漢書本紀又地理志

平帝元始四年王莽更十二州名分界郡國所屬罷置改易史不能紀新莽始建國元年改郡太守

曰大尹都尉曰大尉縣令長曰宰郡縣盡易其名不

可勝紀名錢唐曰泉亭漢書本紀又地理志通鑑漢紀

案漢書王莽傳大郡至分為五郡縣以亭為名

者三百六十，以應符命文也。合百二十有五郡，九州之內，縣二千二百有三。其後歲復變更，一郡至五易名，而還復其故。吏民不能紀。每下詔書，輒繫其故名。泉亭之改，當在斯時。咸淳志係平帝二年，未確。

防海大塘在縣東，去邑一里許。郡議曹華信家富，議主此塘以防海水。始開募，有能運土石一斛，即與錢一千一作升。旬日之間，來者雲集。塘未成而譎，不復取土。于是載土石者棄置而去。塘以之成，既過絕潮源，一境蒙利。縣本名泉亭，於是改錢塘。百姓懷德，立碑。

杭縣志稿卷二

塘所

太平御覽七十四事類賦十引錢唐記 見勞氏格讀書雜識

案後漢書朱雋傳注，與水經注、元和郡縣志、太平寰宇志所引並同。俗說以華信歛錢築塘為

妄者，非考。錢塘古縣近江，在靈隱山下。

靈隱為今南北

諸山總名。近今徐范二村去定山亦不遠。若沿江而

西，至舊名黃山浦相近。北望靈隱諸山，南臨大

江，有長隄如帶，即古錢唐。秦漢舊縣及華信所

築之錢塘基址若猶存者。

說見神州古文考

乾隆府志

謂華議曹有功於杭，宜因縣名以存其惠蹟。信然，其不曰本名錢唐，而曰泉亭，殆塘成尚在稱。

泉亭時耶果爾則錢塘之改尤存復漢深意雖無年月可繫竊附於西溪之末焉

更始元年八月遣王匡攻洛陽申屠建攻武關三輔震動是時海內豪傑翕然響應皆殺其牧守自號將軍用漢年號以待詔命旬月之間徧於天下後漢書淮陽王傳

九月建入長安眾共誅莽傳首詣宛郡縣皆舉城降

天下復歸漢通鑑輯覽漢書王莽傳十月遣光武以破虜將軍

行大司馬事持節北渡河鎮慰州郡如州牧行部事除

王莽苛政復漢官名光武本紀

案更始王諸功臣所封宛鄧穰隨定陶元氏比

杭縣志稿卷二

陽宣城平氏西平舞陰襄邑皆漢縣是年天下

既歸漢而光武又復漢官名所謂悉復漢舊名

當在斯時萬曆志繫建武初未確

以任延為大司馬屬拜會稽都尉時天下新定道路

未通避亂江南者皆未還中土會稽頗稱多士同時

杜延年孫彰以王莽居攝避地錢唐銓侯范馥以避

王莽之亂適吳後為錢唐人後漢書循吏傳咸淳志

案吾邱壽王為東郡都尉不復置太守此以都

尉治吳亦沿壽王故事蓋天下新定武備尤亟

亟焉名勝記武康石城山赤眉之亂里人壘石

守因以為名。錢唐北接武康，當豪傑並起，殺莽牧守，暨夫赤眉亂事，騷動不能必無。然任延傳不載兵事，都尉鎮撫之功可見。又錢唐地瀕海，為中州人士避亂之地。咸淳志載杜范兩氏，其尤著者。同時吳羌沈戎，俱徙居餘不鄉，即今錢唐。接界之德清，後成大族。戶口當有增無減。武省縣為百姓遭難，戶口耗而中原文化漸被。浙少而發錢唐，斷不與其列。而中原文化漸被，浙西此時亦一關鍵焉。

光武帝建武六年，罷郡國都尉官，令司隸州牧各實所部，并省四百餘縣。光武本紀

案東漢郡國志云：前志有縣名，今所不載者，皆

杭縣志稿卷二

十二

世祖所併省，適與詔文相應。咸淳志乃謂志載會稽吳郡諸城與班志合，獨不載錢唐。遂以錢唐為併省四百餘縣之一。考李華杭州刺史廳壁記：杭州東南名都，後漢分會稽為吳郡，錢唐屬是。後漢有錢唐，明甚。唐距漢世較近，六朝所撰地記，具見唐志。其所聞見必多，固不僅錢唐餘暨兩縣並稱於論衡。錢唐獄，錢唐侯之俱見范書也。此與錢辛楣辨泰山之華廬江之樅陽見潛研事同一例。何氏焯讀書記謂郡國志闕堂文集文實確論也。

順帝永建四年分會稽為吳郡山陰縣人殷重獻策請分江置兩郡詔司空王襲封從錢唐江中分向東為會稽向西為吳郡錢唐屬吳郡後漢書順帝本紀吳地記唐李華

杭州刺史廳壁記

案會稽自此與錢唐不相繫

戴就仕郡倉曹掾揚州刺史歐陽參奏太守成公浮臧罪遣部從事薛安案倉庫簿領收就於錢唐獄幽囚拷掠就慷慨直辭色不變郡事乃解後漢書獨行傳

案何氏讀書記據此為錢唐有縣之確證故載之考戴就為會稽太守劉寵所舉孝廉及寵由

杭縣志稿卷二

十三

太守徵為將作大匠至代黃瓊為司空則在桓帝延熹四年因列靈帝前

靈帝熹平元年富春孫堅年十七至錢唐會海賊胡玉等從甌里上岸掠取賈人貨物堅操刀以手東西指麾若分部人兵以羅遮賊狀賊散走堅追斬得一

級三國吳志孫破虜傳

案堅於初平三年卒吳錄云時年三十七以此推之胡玉掠甌里事正在是年

冬十一月會稽妖賊許昭起兵句章立父生為越王攻破城邑眾以萬數遣揚州刺史臧旻丹陽太守陳

黃擊昭富春孫堅以郡司馬募召精勇得千餘人與州郡合兵討破之。靈帝本紀三國吳志

案吳志孫靜傳堅始舉事靜糾合鄉曲及宗室五六百人以為保障與堅傳合必昭攻富春時也錢唐西接富春難免不被兵杭州府志以吳黃兵自揚州丹陽入浙與孫堅合兵討賊其初戰地似在富春錢唐之間

光和元年置錢唐為侯國封朱雋為錢唐侯。後漢書朱雋傳

後漢書補表

獻帝興平二年折衝校尉行殄寇將軍孫策歸取江

杭縣志稿卷二

東吳郡都尉朱治從錢唐到吳吳郡太守許貢拒之於由嶺治與戰大破之貢南就山賊嚴白虎治遂入郡領太守事。資治通鑑吳志孫討逆傳朱治傳

案吳郡都尉治錢唐故朱治從錢唐舉兵

建安元年孫策攻會稽與叔父靜會於錢唐引兵渡浙江太守王朗拒策於固陵。水經注今西陵也策數度水戰不能克從靜計令具罌缶數百口澄水至昏暮四維燃火誑朗分軍夜投查瀆道襲高遷屯王朗降遂定會稽策自領太守以朱治為吳郡太守程普為吳郡

都尉治錢唐。吳志孫討逆傳孫靜傳程普傳

二年以策為騎都尉襲爵烏程侯領會稽太守使與
呂布及吳郡太守陳瑀共討袁術策治嚴到錢唐瑀
陰圖襲策遣使持印與丹陽宣城諸險縣大帥及烏程嚴
白虎等使為內應策覺之遣呂範徐逸攻瑀於海西
瑀敗單騎奔袁紹策自討虎虎奔餘杭投許昭于虜
中孫討逆傳
三年制書轉孫策為討逆將軍改封吳侯吳郡屬吳
國孫討逆傳
建安中吳以闞澤為錢唐長澤會稽山陰人察孝廉
除錢唐長後遷郴令孫權為驃騎將軍辟補西曹掾

杭縣志稿卷二

十五

吳志闞澤傳

案此條無年月可繫惟劉備表孫權為車騎將
軍此作驃騎微異揚州牧在建安十四年知澤長錢唐
當在十四年以前又漢書百官表縣減萬戶為
長此時錢唐戶籍尚不滿萬

吳主權黃武元年遷全琮綏南將軍錢唐侯吳志全琮傳

案錢唐為侯國

黃武中錢唐大帥彭式等蟻聚為寇以周魴為錢唐

侯相旬月之間斬式首及其支黨吳志周魴傳

案周魴為錢唐侯相應附全琮封侯之後

赤鳥二年臨平湖寶鼎見因呼為鼎湖咸淳志

案此為浙水發現最早之古器惜未考其年代詳及歛識但誇為祥瑞耳

吳主休永安元年冬十月己丑封孫皓為烏程侯皓

弟德為錢唐侯吳志三嗣主傳

吳主皓天璽元年吳郡言臨平湖自漢末草穢壅塞

今更開通長老相傳此湖塞天下亂此湖開天下平

又於湖邊得石函中有小石青白色長四寸廣二寸

餘刻上作皇帝事於是改年大赦吳志三嗣主傳

案水經注臨平湖水上通浦陽江下注浙江名

杭縣志稿卷二

曰東江行旅所從以出浙江也是知古代湖本

通江漢季之忽通忽塞者乃江沙坍漲使然而

當時偏覘此卜治亂至晉安帝元興二年有錢

唐臨平湖水赤桓玄諷吳郡使言開除以為已

瑞陳後主則因臨平湖開乃自賣於佛寺為奴

以厭之紛紛自擾皆昧於地理常識甚矣五行

災變之說流毒深矣

晉武帝太康元年龍驤將軍王濬以舟師入石頭吳

主皓出降濬收其圖籍領州四郡四十二縣三百一

十三吳城戍皆望風款附通鑑晉紀晉書武帝紀

吳平分天下為十九州揚州統郡十八吳郡與焉吳郡縣領十一錢唐居其一是歲刺史分職如漢故事悉去州郡兵大郡置武吏百人

小郡五十人 通典晉書地理志通鑑晉紀

十年十一月以皇子晏為吳王食丹陽吳吳興三郡

晉書武帝紀武十三王傳

案吳郡屬吳王國錢唐與焉

惠帝永康元年八月吳王晏與兄淮南王允共攻趙

王倫允敗貶晏為賓徒縣王 晉書惠帝紀武十三王傳

永寧九年四月倫伏誅六月復封晏為吳王 惠帝不京洛傾

覆晏遇害國除 晉書惠帝紀武十三王傳

杭縣志稿卷二

十七

案賓徒縣晉屬昌黎郡晏傳稱由代徙封豈封

賓徒後復封代屬縣乎 考侯

太安二年秋張昌黨石冰寇揚州敗刺史陳徽諸地

盡沒荆江徐揚豫五州之境多為冰所據冰更置牧

守皆桀盜小人專以劫掠為務十二月周玘王矩起

兵江東以討江東推顧祕都督揚州九郡諸軍事傳

檄州郡殺冰所署將吏於是賀循起兵會稽華誕葛

洪甘卓皆起兵應祕廣陵度支陳敏得劉整兵並擊

冰永興元年陳敏與周玘合攻冰於建康三月斬冰

徐揚二州平 通鑑晉紀

案張昌傳昌別率石冰東破江揚二州偽置令長五州之境皆畏逼從逆劫掠之慘知必波及錢唐

二年十二月陳敏初克石冰有割據江東之志至是據歷陽叛使弟斌東掠諸郡遂據有吳越之地假江東首望顧榮等四十餘人為將軍郡守榮等並偽從之懷帝永嘉元年顧榮周玘設計斬敏弟朗又說甘卓背敏敏率眾將與卓戰眾潰敏單騎東奔為義兵所殺會稽諸郡並殺敏諸弟

晉書陳敏傳

案華譚致顧榮書謂陳敏盜據吳會是錢唐又

杭縣志稿卷二

十八

為敏據

元帝渡江以揚州為王畿領江東浙江地

通典

案元帝本紀是年秋七月己未以瑯琊王睿為安東將軍都督揚州諸軍事鎮建業通典所載當在斯時

元帝永昌元年春正月大將軍王敦舉兵於武昌龍驤將軍沈充亦起兵吳興應敦四月陷吳國殺內史張茂明帝太寧二年敦遣充進兵襲會稽內史周札拒戰而死秋七月前宗正虞潭起兵餘姚討充詔潭為冠軍將軍領內史潭遣長史孔垣領前鋒過浙江

追躡充會充已擒罷兵通鑑晉紀晉書虞潭傳

案沈充陷吳國後進兵會稽必經錢唐

成帝咸和元年十月己巳封皇弟岳為吳王二年十

二月丙寅徙封吳王岳為瑯琊王成帝本紀

案東晉吳王名見於史者止此然自張茂虞潭

庾冰蔡謨荀羨沈充庾希暨刁彝虞谷桓謙袁

山松等皆吳國內史分見紀傳或謂內史即太

守可互稱惟薛應旂據姑蘇嘉興兩志謂建武

元年吳郡改為國復國為郡在宋永初二年是

東晉時錢唐當屬吳國俟考

杭縣志稿卷二

三年春二月蘇峻兵入臺城遣兵攻吳國內史庾冰

冰奔會稽至浙江峻購之甚急吳鈴下卒引冰入船

以蘧蔭覆之僅免時會稽內史王舒假節都督行揚

州刺史事乃移告屬郡以虞駿謝藻率眾一萬與冰

俱渡浙江顧眾顧颺等皆起義軍應舒舒亦率眾為

後繼冰颺等進據無錫遇賊將張健與戰而敗退於

錢唐賊遂入吳舒留藻守錢唐使眾颺屯柴壁原作柴壁

據方輿紀要改賊轉攻吳興掠餘杭諸縣義軍沮退或勸眾

過浙江眾曰今保固柴壁可得全錢唐以南五縣若

越他境便為寓軍控引非所長計也臨平人范明亦

謂衆曰、此地險要、可以制寇、不可委也、乃率宗黨合諸軍後進討健、健退、舒遣子允之以精銳邀賊於武康、大破之、是秋、蘇峻伏誅、張健為參軍、李閔追斬於平陵山中、通鑑晉紀、晉書王舒傳、顧衆傳

案柴壁為渡江要隘、似即宋書由鹽官海渡、直指同浦、趨永興、西陵之道、水經注所稱東江者也、范明、臨平人、習知地勢、認為險要、不可委、宜哉、

四年、以王允之討賊有功、封番禺侯、除建武將軍、錢唐令、領司鹽都尉、晉書王允之傳

杭縣志稿卷二

案是年論平蘇峻功、陶侃封公外、贈爵侯伯子、男者甚衆、王允之封番禺侯、除錢唐令、當在斯時、郭璞山海經注、吳郡有司鹽都尉、得此可證、又漢制、縣萬戶以上為令、減萬戶為長、三國吳時、闔澤為錢唐長、此時稱令、知錢唐戶籍較前繁矣

哀帝間、孔巖以侯領尚書、時東海王奕求海鹽、錢唐以水牛牽埭、稅取錢直、帝初從之、巖諫乃止、晉書孔

案奕即廢帝、咸康八年封東海王、升平五年改封瑯琊王、此稱東海、乃舊稱也、萬曆錢唐志以

王奕為人名列職官內誤

安帝隆安三年冬十一月妖賊孫恩陷會稽吳國內

史桓謙棄郡走於是吳郡陸瓌等凡八郡人一時起

兵殺長吏以應恩

通鑑注八郡者會稽臨海永嘉東陽新安吳興義興也

皆為恩有輔國將軍劉牢之率師東討與衛國將軍

謝琰擊賊屢勝徑臨浙江時謝琰屯烏程遣司馬高

索助牢之牢之率眾濟浙江恩懼逃於海時東土遭

亂企望官軍之至既而牢之等縱軍士暴掠士民失

望郡縣城中無復人跡月餘乃稍有還者後孫恩復

入會稽破吳國至京口走郁州元興元年寇臨海郡

杭縣志稿卷二

二十一

兵擊破之恩赴海死

晉書安帝記劉牢之傳通鑑晉記

案孫恩世奉五斗米道叔父秦師事錢唐杜子

恭相傳子恭有秘術子恭死秦得其術及秦誅

眾惑之皆謂蟬蛻登仙時恩逃于海故就海中

資給恩得聚合亡命為復讎計卒之吳會殘破

燒倉廩焚邑屋刊木堙井虜掠財貨與夫官軍

暴掠諸慘逮元興元年三吳大饑戶口減半誠

所謂大兵之後必有凶年也追原禍始要自杜

子恭起乃南齊孔靈產

稚圭父

過錢唐北郭輒于

舟中遙拜杜子恭墓而沈約自序其先世有沈

警者東南豪士累世事道亦敬事子恭士大夫
且如此其甚神仙之說誤人家國不少矣

宋武帝永和二年仍為吳郡領縣十二第七曰錢唐

宋書州郡志
蘇州府志

少帝景平元年春二月富陽人孫法亮反號冠軍大
將軍與孫道慶等攻沒縣邑即用富陽令顧粲為令
遣其族黨孫道仲孫公喜法毅等攻永興縣令羊恂
敗退賊遂盤據更直攻山陰會稽太守褚淡之以山
陰令陸紹領司馬加振武將軍合水步兩軍與戰破
之賊走還永興遣偽將軍孫倫領五百人攻錢唐與

杭縣志稿卷二

二十二

縣戍軍建武將軍戰于琦倫敗走還富陽倫因反善
殺法亮等步帥十餘人送首京都賊平

宋書少帝紀
諸叔唐附傳

案杭州府志琦地不知所在漢書司馬相如傳
激堆埼注張揖曰埼曲岸也疑琦乃埼之誤埼
謂江干阨隘處耳文選謝靈運富春渚詩臨圻
阻參錯注埤倉曰埼曲岸頭埼與圻通如李善
說錢塘江岸固有埼名說當可從

文帝永嘉十三年東土饑遣揚州從事史沈演之巡
行在所演之表稱錢唐劉真道奉公卹民訟訴希簡
翦蕩凶頑屢能擒獲上嘉之賜穀千斛以真道為步

兵校尉

晉書劉懷肅附傳

案劉真道一作道真即撰錢唐記者又晉百官名曰劉寶字道真高平人世說陸士衡入洛咨張公所宜詣劉道真乃晉時人

三十年太子劬省揚州立司隸校尉

通鑑宋紀

孝武帝大明三年以揚州所統六郡為王畿吳郡與焉七年割吳郡屬南徐州

並孝武本紀

八年閏五月太子業即帝位以王畿諸郡為揚州

前廢

帝記

案前廢帝立凡孝建以來所改制度還依永嘉

杭縣志稿卷二

二十三

州郡復舊其一端也

明帝泰始三年春二月會稽太守孔覲吳郡太守顧

琛吳興太守王曇生並舉兵應子勛

上年江州刺史晉安王子勳舉

兵尋鎮東將軍巴陵王休若統眾軍東討二月建武

將軍吳喜率諸軍破吳吳興琛奔會稽曇生奔錢唐

九月喜等至錢唐錢唐令顧昱及曇生奔渡江東喜

乃進軍柳浦遣鎮北將軍沈思仁彊弩將軍任農夫

南臺將軍阮佃夫揚武將軍盧僧澤等率眾向黃山

浦東軍據岸結砦農夫等破之乘風舉帆直趨定山

斬其大帥孫會之於陣自定山進向魚浦戍主孔叡

率眾千餘人據壘拒戰。佃夫使隊主闕法炬射殺樓上弩手，眾驚駭。思仁縱兵攻之，斬其軍主孔奴。其眾於是敗散。十九日，喜使鎮東中兵參軍劉亮由鹽官海渡，直指同浦。武衛將軍壽寂之濟自魚浦，斜趨永興。喜自柳浦直趨西陵。西陵諸軍皆悉散潰。覲為上虞令，王晏斬之東閣。琛，曇生詣吳喜歸罪，喜宥之。八月，臺軍元江州殺子勛。宋書孔覲傳通鑑輯覽

案古史攷，凡浙江至錢唐，有一山沿江而出，則有一浦循江而入，自富春江而下為魚浦，又東北近錢唐古縣為黃山浦，亦名范浦，又東北則

杭縣志稿卷二

為柳浦。隋唐州治，又東北為同浦。鹽官海渡直指者也。自臨平湖塞，而鹽官海道直趨同浦之路，久不通行。至柳浦，乃昔臨江登岸之地。宋齊以還，舟楫可通。至隋唐時，築隄，加以都城百雉，及吳越王營建宮殿，柳浦之在鳳凰山南者，悉湮塞不可考。水陸形勢變遷若是，遑論人事哉。

南齊吳郡屬揚州，領縣十二，第一曰錢唐。

高帝建元間，以孫謙為錢唐令，御煩以簡，獄無繫囚，及去官，百姓以謙在職不受饋遺，追載縑帛以送之，謙辭不受。南史循吏傳

武帝永明三年十二月富陽人唐寓之作亂寓之僑居桐廬父租以圖墓為業寓之自云其家墓有王氣時連年檢籍民愁怨不安外監呂文度啟上籍被卻者悉充遠戍民多逃亡避罪寓之因以妖術惑眾聚黨四百人於新城令陸赤奮棄縣走寓之向富陽抄略令何洵告漁浦邏主發村男丁防援寓之陷富陽會稽太守沈文季遣將吏救援錢唐四年春正月寓之至錢唐令劉彪拒之力不敵戰敗寓之進柳浦登岸焚郭邑彪棄縣走文季又發吳嘉興海鹽鹽官民丁救之賊分兵出諸縣鹽官令蕭元蔚逃走餘杭令

杭縣志稿卷二

二十五

樂琰戰敗乃奔寓之於錢唐僭號置太子以新城戍為天子宫縣解為天子宫錢唐富人柯隆為尚書僕射中書舍人獻鋌數千為寓之作仗寓之欲襲會稽至浦陽江郡丞張思祖遣浹口戍主湯休武拒戰大破之帝遣禁兵數千馬數百匹東討賊眾烏合畏馬官軍至錢唐一戰便散禽斬寓之諸郡縣悉平時禁兵乘勝縱掠軍還軍主陳天福坐棄市左軍將軍劉明徹免官削爵付東冶遣使慰勞遭賊郡縣百姓被驅迫者悉無所問後永明九年戍邊詔免前卻籍者

通鑑齊記沈文季傳
咸淳志通鑑輯覽

案奸民倡亂每假託墓有王氣為號召惑眾之術而旋即身亡族滅唐寓之其前鑿也乃謬說流傳尚有謂洪武初凡山川之有王氣者信國公湯和咸破壞之如臨平山類駝形則鑿斷其頸塘棲之龜馬二山則鑿其首使中通舟楫且皆出自耆儒筆於地方記乘甚矣風水之惑深中人心而不知悟也

梁武帝太清三年夏五月時武帝已崩侯景遣宋子仙等率眾東次錢唐新城戍主戴僧暹據縣拒之六月吳盜陸緝等起兵襲吳郡七月宋子仙自錢唐旋軍擊

杭縣志稿卷二

二十六

之冬十月子仙自吳郡趨錢唐急攻之戴僧暹降子仙乘勝渡浙江陷會稽執刺史南郡王大連送建康於是三吳盡沒于景

簡文帝大寶元年秋九月南郡王中兵參軍張彪起兵於若耶山二年春正月彪遣其將趙稜圍錢唐孫鳳圍富陽景遣田遷趙伯超謝答仁救之彪與伯超戰於臨平死者八萬餘人稜鳳敗走十一月景以趙伯超為東道行臺田遷為軍司據富春

元帝承聖元年大都督征東將軍王僧辯大破景景與百餘騎東奔僧辯命南兖州刺史侯瑱率軍追景

夏謝答仁還富陽聞景敗走帥萬餘人欲北出候之
趙伯超據錢唐拒之景進至嘉興聞伯超叛乃退據
吳侯瑱追及景於松江景單舸走前太子舍人羊鵬
殺之瑱進兵錢唐趙伯超謝答仁俱降瑱并由遷等
送建康通鑑梁紀侯景傳陳書侯瑱傳梁揚州領郡八吳郡與焉領
縣十第四曰錢唐有浙江朱壘嘉義里洪齏孫補梁疆域志
案太清三年七月侯景以吳郡為吳州明年即
寶元年省吳州復為吳郡十一月以錢唐為臨江
郡尋廢此梁武帝分州建郡戶口日耗之故策
侯景效之治絲愈棼而已附識於此

杭縣志稿卷二

敬帝紹泰元年九月陳霸先殺王僧辯僧辯弟僧智
舉兵吳郡霸先使將軍黃他攻僧智甯遠將軍裴忌
助之忌選部下精兵輕行倍道自錢唐直趣吳郡僧
智奔吳興通鑑輯覽陳書裴忌傳

案是時將軍黃他攻吳郡相持不能下而徐嗣
徽任約之師也襲建康據石頭自建康直趨吳
郡之路當有阻難故裴忌由間道出錢唐即今
經廣德安吉孝豐至余杭而出錢唐之路唐宋以來江浙用兵恒趣此間道為奇兵
以夾擊吳郡通鑑注謂錢唐非路必有誤是未
究軍事地理也

陳後主禎明元年以吳郡為吳州改錢唐縣為郡屬
吳州領富陽新城二縣陳書後主本紀萬曆志

二年立皇子恬為錢唐王邑一千戶陳書後主諸子傳

隋文帝開皇九年春正月陳吳州刺史蕭瑛東陽州
刺史蕭巖據東吳之地擁兵拒守右衛大將軍宇文
述領行軍總管等水陸兼進擊瑛大破之瑛被執吳

州陷述進至奉公埭蕭巖降吳會悉平隋書宇文述傳

案錢唐郡自此入隋

是歲平陳得州三十郡一百縣四百廢錢唐郡置杭
州治餘杭錢唐仍為縣并所屬新城縣與綏安鹽官

杭縣志稿卷二

餘杭合為四縣屬杭州隋書高帝本紀地理志太平寰宇記嘉靖通志

案隋志平陳省大德故鄣安吉原鄉四縣入綏
安如此則綏安與餘杭接壤寰宇記謂綏安隋
初屬杭州似非傳寫之訛惟其後改屬宣城耳

廢海鹽縣北屬杭州省桐廬地入錢唐元和郡縣志嚴州府志

案補梁疆域志太清三年六月侯景分吳郡海
鹽縣為武原郡清類天文分野之書陳省入鹽
官縣隋志無海鹽元和志謂開皇九年廢海鹽

縣北屬杭州豈隋初海鹽復為縣耶鹽官亦領
於杭州所謂屬杭州者似仍并入鹽官舊志云

入錢唐俟考

十年越州高智慧等皆舉兵反杭州楊寶英等皆自

稱大都督攻陷州縣

江表自東晉已來刑法疏緩世族凌駕寒門平陳之後牧民者

盡更變之蘇威復作五教使民無少長悉誦之小民嗟怨於是陳之故境大抵皆反詔以楊素

為行軍總督討之高智慧據浙江東岸為營周亘百

餘里船艦蔽江素擊之從子總管來護兒言

通鑑注子總管

也禪將使護兒以輕舸數百直登江岸襲破其營因縱

火煙焰漲天賊顧火而懼素因縱兵奮擊大破之賊

遂潰智慧逃入海智慧走閩越依王國慶後楊素密

令人說國慶斬送智慧餘黨悉降江南大定

通鑑隋記隋書

杭縣志稿卷二

來護免傳

案楊素至杭州與高智慧隔江對壘獨不及楊

寶英事考隋書劉芳傳附馮昱王檣等六人開

皇中俱為邊將名顯當時櫛於高智慧反攻討

皆有殊績而史并失載其事豈杭州攻討寶英

之役史筆亦有遺失邪俟考

移杭州治錢塘縣

太平寰宇記

案此為州縣同城之始吳郡亦改蘇州自此與

錢唐縣不相繫

楊素翦建杭州城郭周回三十里九十步

咸淳志引九域志

案隋時州治自餘杭徙錢唐十一年復移柳浦
西依山築城當在鳳凰山之右唐因之後為吳
越南渡所都方隋築城時吳山東南皆江西北
尚鑿石為棧道見七脩類稿故其時沿江而城李華
記靈濤歎激于城下蓋紀實也自錢氏築捍海
塘復建候潮通江兩門其南北展而東西縮元
季張士誠更自候潮門縮入二里而截鳳山於
外隋唐時臨江城基遂淪為民基矣

仁壽二年置總管府於杭州隋書地理志成化志
煬帝大業三年廢總管府改杭州為餘杭郡領縣六

杭縣志稿卷二

首曰錢唐有粟山不甌山臨平湖隋書地理志并注咸淳志清一統志

六年穿江南河自京口至餘杭八百餘里廣十數丈
欲東巡會稽也即今南運河自杭州達鎮江入大江通鑑輯覽

九年秋七月癸未餘杭民劉元進起兵以應楊玄感
元進自以相表非凡陰有異志會帝再發三吳兵征

高麗由是多亡命郡縣捕之急聞元進舉兵亡命者
雲集旬月衆至數萬冬十月元進將渡江會玄感敗

吳郡朱燮比陵管崇共迎元進推以為主據吳郡東
陽會稽建安州即泉豪傑多執長吏以應帝遣左屯衛

大將軍吐萬緒光祿大夫魚俱羅討之十一月元進

攻潤州為緒等勒兵擊走賊眾大潰元進僅以身免
進解會稽圍元進退據建安帝令進討吐萬緒魚俱
羅皆得罪更遣江都郡丞王世充發淮南兵擊之元
進休兵養士復來據郡世充募江都萬餘人渡江頻
戰皆捷元進敗死於吳其眾悉降世充坑之餘黨往
往保險為盜其後董道仲沈法興李子通等乘此而
起迄於隋亡通鑑隋紀隋書楊玄感附傳吐萬緒傳

案餘杭郡民劉元進不著縣籍其用兵先由餘
杭進據蘇州趣鎮江復由鎮江經會稽而據泉
州更自泉州再據蘇州屢出屢入錢唐皆必經

杭縣志稿卷二

之地沈謙臨平記引胡滌明因寺碑大業中罹
於兵燹吳之鯨武林梵刹志華嚴院大業末燬
於兵即其明徵特隋書於東南兵事略而不詳
耳又隋書載元進臂長過膝自謂相表非凡卒
罹敗亡之禍果爾則相術之言誤人豈淺鮮哉

恭帝義寧二年春吳興太守沈法興聞宇文化及弑
逆舉兵以討化及為名三月發東陽行政兵趨江都
下餘杭郡也即杭州比至烏程得精兵六萬遂據江表十

餘郡自稱江南道大總管承制置百官通鑑是年五
月唐王淵稱皇帝號武德元年罷郡置州以太守為刺史

唐高祖武德三年東海賊帥李子通度江攻沈法興
取京口法興棄毗陵奔吳郡子通復東走太湖襲法
興於吳郡法興窘迫赴江溺死子通率其官屬徙都
餘杭東包會稽西距宣城盡有其地通鑑四年冬十
一月江淮安撫大使杜伏威遣將軍王雄誕討李子
通子通以精兵守獨松嶺雄誕乘高據險多張旗幟
夜則炬火於樹上布滿山澤子通大懼燒營而去退
保餘杭雄誕追擊又敗之於城下子通窮蹙請降盡
收其地通鑑唐紀舊唐書李
子通傳王雄誕傳

杭縣志稿卷二

是年四月平李子通置杭州領錢唐富陽餘杭三縣
舊唐書地理志

六年秋八月淮南道行臺左僕射輔公柘反據丹陽
盡有江浙地杭州沒於公柘以左游仙為越州總管
高祖命趙郡王孝恭率諸將奮擊大破之公柘懼奔
左游仙會稽至武康被執送於丹陽斬之舊唐書高祖本紀輔

公柘傳

七年平賊復置杭州省鹽官縣入錢唐縣復置蘇州
都督督蘇湖杭暨四州治於故吳城杭州隸蘇州都
督九年廢蘇州都督並舊書地理志新書地理志

太宗貞觀元年併省州郡分天下為十道八曰江南道杭州隸焉杭州領縣四首曰錢唐舊書地理志四年置都督於潤州杭州隸之乾道志

案乾道志此條新舊唐書地理志均未之載或別見他書俟考

復分錢唐置鹽官縣隸杭州舊唐書地理志

睿宗景雲二年閏六月置江南道按察使杭州隸之

舊書睿宗本紀乾隆志

玄宗開元二十一年分天下為十五道各置採訪使以六條檢舉非法擇賢刺史領之杭隸江南東道淳咸

杭縣志稿卷二

志

天寶元年改杭州為餘杭郡刺史為太守通典咸淳志

計天下州郡以餘杭郡為上有臨平監新亭監鹽官

監領縣八首曰錢唐望新唐書地理志

案唐制州有輔雄望聚上中下之分武德令三

萬戶以上為上州開元十八年增為四萬雄望

等同上唐縣分赤畿望聚上中下七等武德令

五千戶以上為上縣開元十八年增千戶其畿

赤望聚不限戶數見談鑰嘉泰吳興志

肅宗至德二年十二月復改餘杭郡為杭州太守仍

為刺史置江東防禦使治杭州舊唐書地理志咸淳

乾元元年置浙江西道節度使兼江寧軍使治昇州

副使兼餘杭軍治杭州 二年廢節度使置觀察使

治杭州方鎮表

上元元年冬十一月都統淮南東江西浙西三道節

度使劉展舉兵反陷揚潤昇等州副使李藏用與展

將張景超孫待封戰敗奔杭州使其將溫昇屯餘杭

二年春正月張景超引兵攻杭州敗藏用將李彊於

石夷門孫待封自武康南出將會景超攻杭州溫昇

馳據狗頭嶺擊敗之待封脫身奔烏程乙卯平盧兵

杭縣志稿卷二

馬使田神功討展斬之待封詣藏用降景超聚兵至

七千餘人聞展死悉以兵援張法雷使攻杭州景超

逃入海法雷至杭州藏用擊破之餘黨悉平平盧軍

大掠十餘日安史之亂亂兵不及江淮至是其民始

罹荼毒通鑑唐紀讀史方輿紀要

按咸淳志狗頭嶺在錢塘縣北到縣五十里蓋

當武康南出之道今杭武餘三縣交界處有梯

子嶺清咸豐間太平軍初次攻杭即由此間道

出疑即此所謂狗頭嶺也

二年杭州刺史領防禦使方鎮表

德宗建中二年合浙江東西道置節度使治潤州賜號鎮海軍

方鎮表咸淳志

案杭州隸鎮海軍節度使始此文獻通考云唐制一道兵政屬之節度民事屬之觀察然節度多兼觀察而領州刺史亦有以州刺史兼帶觀察團練防禦等使者蓋自安史亂後方鎮之制由此而暨於南所謂閩帥邊將監司者按唐以閩帥防禦為邊將觀察團練為監司要皆隨其時軍事之張弛為之置廢故事關吳越以前其尋置尋廢諸條見方鎮表者不贅述焉

杭縣志稿卷二

三十五

建中間以李泌為杭州刺史有風績引西湖水入城大為民利舊唐書李泌傳咸淳志

案東坡蘇氏曰杭之為州本江海故地水泉鹹苦居民零落自此民足於水井邑日富百萬生聚待此而後食是泌有功於杭甚大考泌於代宗末為澧朗峽圍練使無幾改杭州刺史德宗興元初徵赴行在知留杭必在建中間

憲宗元和二年冬十月左僕射故鎮海軍節度使李錡據潤州反先是錡選心腹數人為所部五州鎮將姚志安處蘇州李琛處常州趙惟忠處湖州邱自昌

處杭州高肅處睦州各有兵數千伺察刺史動靜至

是錡各使殺其刺史

常州刺史顏防斬李琛湖州刺史辛祕襲斬趙惟忠蘇州刺史

李素為姚志安所敗被執會錡敗得免

制削李錡官爵及屬籍詔淮南

節度使王錡統諸道兵討錡

徵淮南宣歙兵出宣州江西兵出信州浙東兵

出杭州錡兵馬使張子良等知錡必敗與牙將裴行立

同謀引兵趨牙門執錡械送京師腰斬之

翰林學士裴垣李絳

上言願以逆人資財賜浙西百姓代今年租賦上從其言

通鑑唐紀

案咸淳志定業院唐元和元年刺史裴常棣建

咸淳志元和三年刺史裴常棣請慧琳天竺登

壇知二年李錡亂命不至危及刺史

杭縣志稿卷二

三十六

杭州上管縣八錢塘緊

元和郡縣志

穆宗長慶二年七月壬辰出中書舍人白居易為杭

州刺史築堤捍湖鍾洩其水溉田千頃自為石記欲

者易曉故不文其言

并修濬六井民賴其利

舊唐書穆宗本紀咸淳志

案白氏記稱郭中六井與湖相通中有陰竇往

往湮塞亦宜數察而通理之今惟相國井及西

井一名化尚存餘湮廢

宣宗大中初趙郡李播字子烈自尚書比部郎中出

為錢唐令三牋於丞相云濤壞人居不一錚錮敗侵

不休詔與錢二十萬築長堤以為數十年計人益安

喜子烈乃作南亭在城東南隅杜牧杭州南亭記

案崔國輔宿范浦詩路轉定山繞塘橫范浦連
知今范村一帶唐時已有塘堤當即子烈所建
南亭遺址不詳大約在唐時州治東南近鳳凰
山

懿宗咸通二年以崔彥曾為杭州刺史始開沙河塘
時潮水衝擊錢塘江岸奔逸入城故彥曾開三河以
決之曰外沙前沙裏沙咸淳志

案沙河塘在錢塘縣舊治之南五里宋政和元
年郡守張閣標識其處近南有壩頭自元季張

杭縣志稿卷二

三十七

士誠展拓城基倚沙河為濠而壩子廢外沙後
沙混合為一前沙舊在城外亦絡入城中塘之
遺跡遂不可考

僖宗乾符二年浙西狼山鎮遏使王郢劫庫兵作亂
攻陷蘇常乘舟往來泛江入海轉掠二浙臨安人董
昌以土團擊賊有功補石鏡鎮將表錢鏐偏將擊郢
破之通鑑唐紀新五代史

五年秋八月冤句賊黃巢攻宣州不克引兵陷杭州

攻浙東通鑑唐紀新書僖宗紀

王仙芝餘黨曹師雄寇二浙杭州山賊朱直等聚眾

剽掠募諸縣鄉兵各千人以討之董昌與錢唐劉孟安阮結富陽聞人字鹽官徐及新城杜稜餘杭凌文舉臨平曹信各為之都將號杭州八都昌為之長其後聞人字卒錢唐錢鏐以驍勇事昌為兵馬使九月率本鎮兵討平之通鑑唐紀吳越備史

案黃巢八月陷杭越月鏐即討平師雄知仙芝餘黨雖附巢而似不相屬蓋流寇行為各自為進退也故通鑑分別為系

六年冬黃巢轉掠江西饒信等州再入杭州衆至二十萬攻臨安董昌兵寡不敢戰鏐出奇邀擊射殺其

杭縣志稿卷二

三十八

將巢遂引兵過乃殘宣歙十五州

通鑑唐紀咸淳志新書黃巢傳

案唐黃巢傳舊書略而新書較詳蓋宋初有無名氏平巢事蹟考一卷見陸垣奇晉齋叢書新書大半採

入事蹟考所無則又別有據見於十七史商榷故記巢事悉從新書

廣明元年建八都於杭州時羣盜所在盤結鎮海軍節度兼南面招討使周寶發杭州兵戍縣鎮新唐書周寶傳

案寶傳主八都者石境都董昌清平都陳晟於潛都吳文舉鹽官都徐及新登都杜稜唐山都饒京富春都文禹龍泉都凌文舉與前紀異而

清平於潛唐山龍泉四都前紀均未之見殆八
都建派而分者為十三都之別將耶俟考

中和元年秋八月杭州刺史路審中將之官行至嘉
興董昌自石鏡引兵入杭州審中懼而還昌自稱杭
州都押牙知州事遣將吏請於周寶不能制表為杭
州刺史通鑑唐紀

二年八月浙東觀察使劉漢弘遣弟漢宥及馬步都
虞侯辛約將兵二萬攻杭州營于西陵燒魚浦杭州
刺史董昌遣都知兵馬使錢鏐拒之壬子鏐乘霧夜
渡江襲其營大破之所殺殆盡漢宥辛約皆走冬十

杭縣志稿卷

月漢弘又遣登高鎮將王鎮將兵七萬屯西陵陣營
相屬鏐復濟江襲擊大破之斬獲萬計三年春三月
漢弘分兵屯黃嶺巖下貞女三鎮鏐將八都兵自富
陽擊之諸營多潰去漢弘以精兵屯諸暨鏐又擊破
之漢弘走冬十月漢弘將十餘萬衆出西陵謀宵
濟戊午鏐自新沙由魚浦濟江迎戰大破之漢弘易
服持鱗刀而遁己未漢弘收餘衆四萬又戰鏐又
破之斬其弟漢宥及將辛約通鑑唐紀吳越備
新書劉漢弘傳
先啟二年十一月丙戌錢鏐克越州劉漢弘奔台州
十二月台州刺史杜雄誘漢弘執送董昌斬之昌從

鎮越州自稱知浙東軍府事以錢鏐知杭州事通鑑唐紀

三年五月拜錢鏐左衛大將軍杭州刺史鏐遣東安

都將杜稜浙江都將阮紹靜江都將成及將兵分屯

沿江一帶自定山下至海門討薛朗以其逐周寶也

冬十月杜稜等拔常州鏐奉周寶歸杭十二月阮結

等克潤州擒斬薛朗通鑑唐紀

昭宗龍紀元年置杭州防禦使置武威軍新書方鎮表舊書昭

宗紀

景福元年三月乙酉置武勝軍於杭州以錢鏐為防

禦使二年閏月升武勝軍防禦使為都團練蘇杭等

杭縣志稿卷

四十

州觀察使時錢鏐以杭并蘇因以命之方鎮表通鑑唐紀并注

秋七月錢鏐發兵二十萬及十三都軍士築杭州羅

城周七十里通鑑唐紀

案錢氏先築夾城周五十里後又築羅城自秦

望山由夾城東亘江干洎錢唐湖霍山范浦周

七十里城門十今艮山門至候潮門視舊開拓

三里絡市河于內南自候潮門迤西則縮入二

里截鳳山于外此元季張氏所改也

九月丁卯以錢鏐為鎮海軍節度使領潤州刺史通鑑

唐紀并考異

乾寧二年二月辛卯董昌僭號錢鏐遺昌書與其閉門作天子使九族百姓俱陷塗炭豈若開門作節度使終身富貴耶及今後悔尚可及也昌不聽四月鏐以狀聞六月庚寅以鏐為浙東招討使復發兵討昌昌求救於淮南節度使楊行密行密遣泗州防禦使台濠攻蘇州寧國節度使田頔潤州團練使安仁義攻杭州鎮戍以救董昌昌使湖州將徐淑會淮南將魏約共圍嘉興鏐遣武勇都指揮使顧全武救嘉興破烏墩光福二寨三年春正月安仁義以舟師至湖州欲渡江按湖州距錢江遠此湖州似即城外之湖州應

杭縣志稿卷二

四十一

董昌鏐遣顧全武許再思守西陵仁義不能度全武遂進兵越州昌出戰而敗全武圍之急昌始懼去帝號會揚行密克蘇州鏐急召全武使備行密全武曰越州賊之根本奈何垂克而棄之請先取後復蘇州鏐及是全武攻克越州外郭昌猶據牙城拒之鏐遣使給昌云奉詔令大王致仕歸於安昌乃送牌印而出全武遣吳璋以舟載昌如杭州至小江南斬之

通鑑
唐紀

十月錢鏐令兩浙士民上表請以鏐兼領浙東朝廷不得已以鏐為鎮海威勝兩軍節度使丙子更名威勝曰鎮東軍錢鏐自此遂跨有浙東西

通鑑唐
紀并注

光化元年二月，徙鎮海節度使治杭州。從錢鏐請也。

新書方鎮表
通鑑唐紀

二年，升鎮海軍為都督府。吳越備史

天復二年八月，楊行密遣步兵都指揮使李神福攻臨安。或告行密云：錢鏐為盜所殺。行密遣神福等將兵取杭州。兩浙將顧全武列八塞以拒之。神福獲杭俘，使出入卧内。神福謂諸將曰：杭兵尚彊，我兵且當夜還。杭俘去告全武。神福命勿追。遣兵先行。神福為殿，使行營都尉呂師造伏兵青山下。全武數輕神福，出兵追之。神福師造夾擊，大破之，斬首五千級，生擒

杭縣志稿卷二

全武。鏐聞之，驚泣曰：喪我良將。神福進攻臨安，知錢鏐定不死，而臨安城堅，久攻不拔，欲歸。恐為鏐所邀，乃於要路多張旗幟為虛寨。鏐以為淮南兵大至，遂請和。神福受其犒賂而還。通鑑唐紀

五月，鎮海鎮東節度使彭城王錢鏐進爵越王。杭州為越王國。通鑑唐紀
杭州府志

秋八月，越王錢鏐武勇都指揮使徐誥許再思叛。初孫儒死，其士卒多奔浙西。鏐愛其驍悍，以為中軍。號武勇都行軍司馬杜稜曰：狼子野心，他日必為深患。請以土人代之，不從。鏐如衣錦軍，命右武勇徐瑄率

象治溝洫鎮海節副使成及聞士卒怨言白鏐請罷
役不從甲戌鏐臨饗諸將徐綰謀殺鏐於座不果稱
疾不出鏐怪之命綰將所部先還杭州及外城縱兵
焚掠許再思以迎候兵與之合進逼牙城鏐子傳瑛
與三城都指揮使馬綽等閉門拒之牙將潘長擊綰
綰退屯龍興寺鏐還及龍泉通鑑注龍井聞變疾驅至城
北使成及建鏐旗鼓與綰戰鏐微服乘小舟夜抵牙
城東北隅踰城而入直更卒憑鼓而寐鏐親斬之城
中始知鏐至武安都指揮使杜建徽自新城入援徐
綰聚木將焚北門建徽悉焚之湖州刺史高彥問難

杭縣志稿卷二

四十三

遣其子謂將兵入援至靈隱山綰伏兵擊殺之鏐命
謂所部營於城南鏐恐綰等據越州遣大將顧全武
將兵戍之案是年二月楊行密已遣全武歸杭全武曰越州不足往不
若之廣陵鏐曰何故對曰聞綰等謀召田頔田頔至
淮南助之不可敵也鏐命全武告急於行密使及其
子傳瑒為全武僕與偕之廣陵綰等果召田頔頔引
兵赴之築壘絕往來之道鏐患之募能奪其地賞以
州衢州制置使陳璋將卒三百出城奮擊遂奪其地
鏐即以為衢州刺史全武至廣陵說行密曰使田頔
得志必為王患召頔還錢王請以子為質且求昏行

密許之。以女妻傳瑯。十一月，田頔急攻杭州，仍具舟，將自西陵渡江。鏐遣其將盛造、朱郁拒破之。十二月，楊行密使人召田頔曰：「不還，吾且使人代鎮宣州。」庚辰，頔將還，徵犒軍錢二十萬緡於鏐，且求鏐子為質。將妻以女。鏐謂諸子誰能為田氏壻者，傳瓘請行。縵北門而下，頔與縵再思同歸宣州。通鑑唐紀
三年八月，淮南寧國節度使田頔與越州團練史安仁義同舉兵。行密遣李神福討頔，頔大敗。神福獲徐縵，行密以檻車載之。遺錢鏐，鏐剖其心以祭高涓。十月，行密求救於鏐，鏐遣方永貞屯潤州以助攻仁義。

杭縣志稿卷二

從弟鎰屯宣州以助攻頔。十一月，漣水制置使臺濛擊斬田頔，遂克宣州。錢傳瓘歸杭州。天佑元年三月，楊行密遣傳瓘及其婦并顧全武歸錢塘。通鑑唐紀

天祐元年四月，更封越王錢鏐為吳王。通鑑唐紀

後梁王朱溫開平元年，以鎮海鎮東軍錢鏐為吳越王，有浙東西地十三州。通鑑後梁紀
五代史職方考

案文獻通考，杭、蘇、越、湖、蘭、婺、台、明、溫、秀、處、睦、福，凡十三州。然秀州後立，福州後得，皆在石晉時。此特終計之。

二年，吳越王錢鏐改元天寶。十七史商榷

按十七史高權載吳越改元天寶改於戊辰梁
開平二年寶大改於甲申唐同光二年寶正改
於丙戌唐天成元年證諸金石文皆歷歷可考
至壬辰三月武肅薨遺命去國儀用藩鎮法故
寶正盡於六年及錢俶納土凡其境內有石刻
偽號者悉使校卒鑿滅故所習見者多唐晉漢
周宋諸年號蓋其子孫多諱言改元事也備史
乃武勝軍節度使書記范炯巡官林禹同撰宋
藝文志云吳越錢儼託名范炯等自應諱而不書明錢肅濶刻
備史跋亦力駁歐史改元之非何耶

杭縣志稿卷二

三年吳越天寶二年冬十月湖州刺史高澧叛附於淮南舉

兵焚義和臨平鎮吳越王鏐命指揮使錢鏐討之明年

二月澧率麾下五千人奔吳通鑑後梁紀

四年吳越天寶三年升杭越等州為大都督府都督府吳越

其後升大都督府國人亦稱西都吳越備史十國春秋

八月吳越王鏐築捍海石塘江挾海潮久為杭患乃

命運巨石盛以竹籠植巨材捍塘基始定通鑑注今

瀕浙江皆有石塘上起六和塔下抵艮山門皆錢氏所築復建候潮通江等城門

其重濠壘塹通衢廣陌亦成由是錢塘富庶盛於東

南通鑑後梁紀吳越備史咸淳志

案捍海塘一名錢王塘民到今尚受其賜惟潮水避錢塘而東擊西陵東坡六井記第曰所從來者遠不言始自吳越乃備史必舉強弩射濤頭與作詩一章函鑰置海門山諸事以神其說贅矣

後梁主瑱貞明元年吳越天寶十二年四月吳越擊吳戰於狼山破之秋七月吳越攻吳常州吳人與戰吳越兵大敗八月吳徐溫遣使以吳王書歸無錫之俘于吳越吳越王鏐亦遣使請和于吳自是兩國各休兵息民通鑑輯覽

抗縣志稿卷二

四十六

龍德二年吳越天寶十六年割錢塘鹽官富春地置錢江縣

杭州府志

案定鄉小識云順存錄十國春秋俱云割富陽之安樂長壽二鄉置錢江縣但錢江即今仁和。不與富陽接界蓋割錢塘以置錢江則錢塘地隘不得不割富陽以益錢塘知當時建置所以截長補短者固統盤籌畫也

三年春吳越天寶十七年二月梁主遣兵部侍郎崔協等冊

命吳越王鏐為吳越國王鏐始建國儀衛名稱都如

天子之制通鑑後唐紀

案是年四月後唐莊宗始改元同光梁主冊命
在二月仍用龍德年號

後唐主存勗同光二年吳越改寶大元年冬十月吳越王鏐

復修本朝職貢壬午帝因梁官爵而授之鏐厚貢獻

并賂權要求金印玉冊賜詔不名稱國王帝皆曲從

之通鑑後唐紀

後唐主嗣源天成元年吳越寶鏐以中國喪亂朝命

不通改元寶正其後復通中國乃諱而不書通鑑後唐紀

四年鏐遺唐樞密使安重誨書辭禮甚倨制鏐以太

師致仕自餘官爵皆削之長興二年解安重誨樞務盡復鏐官爵遣使往諭旨

杭縣志稿卷二

以嚮日致仕重誨矯詔也通鑑輯覽

長興三年三月庚戌吳越王錢鏐寢疾悉出印鑰授

中子傳瓘曰將士推爾宜善守之又曰子孫善事中

國勿以易姓廢事大之禮遂卒謚武肅傳瓘既襲位

更名元瓘以遺命去國儀用藩鎮法除民田荒絕者

租稅通鑑後唐紀

後唐主從厚順應元年春正月甲午以鎮海鎮東節

度使吳王元瓘為吳越王通鑑後唐紀

後唐主敬瑭天福二年夏四月吳越王元瓘復建國

如同光故事丙申赦境內十一月戊辰詔加元瓘天

下兵馬副元帥進封吳越國王。通鑑後
晉紀

四年十一月戊子契丹遣其臣遙執來使遂如吳越

通鑑後
晉紀

案是年即契丹會同二年自遙執來杭逾年吳越王即兩次遣使入貢契丹繼又遣使奉蠟丸書均見遼史太宗紀十七史商榷云今吳越所存石刻有會同年號當建在是時

六年秋七月吳越府署火宮室府庫幾盡元瓘驚懼成狂疾八月辛亥卒是日將吏以元瓘遺命承制以其子鎮海鎮東副大使弘佐為節度使。時年九月庚

杭縣志稿卷二

四十八

申弘佐即王位命丞相臨平人曹仲達攝政。通鑑後
晉紀

臨平
記

案通鑑考異引林仁志王氏啟運圖云長興三年吳越武肅王崩子世皇嗣永隆二年吳越世皇崩子成宗嗣是元瓘弘佐皆有廟號又云兩浙民間猶謂錢鏐為錢太祖可見錢氏不止改元已也十七史商榷謂玉海於天寶寶大寶正外又載廣初一號或元瓘復建國時改元亦未可知

後漢主劉知遠天福十二年六月乙卯吳越王弘佐

卒弟弘琮嗣八月制以弘琮為東南兵馬都元帥鎮海鎮東節度使兼中書令吳越王通鑑後漢紀

冬十二月吳越統軍使胡進思廢弘侖而立其弟弘俶弘侖性剛嚴進思恃迎立功干預政事弘侖惡之有所謀議數面責之進思恨怒不自安侖與指揮使何承訓謀逐去之承訓反以謀告進思進思作亂帥親兵戎服入見弘侖叱之不退猝愕趨入義和院進思鎖其門矯詔稱王命告中外猝得風疾傳位於弘俶因帥諸將迎弘俶於私第稱侖之命承制授弘俶鎮海鎮東節度使弘俶曰能全吾兄乃敢承命不然

杭縣志稿卷二

當避賢路進思許之俶始視事弘俶遷弘侖於衣錦軍遣都頭薛溫將親兵衛之通鑑輯覽

乾佑元年八月乙未以錢弘俶為東南兵馬都元帥鎮海鎮東節度使兼中書令吳越國王通鑑後漢書

周世宗顯德五年春正月壬辰拔靜海軍通鑑注本周得之建靜海軍狼山鎮地尋升為通州始通吳越之路按吳越與中朝往來

戊戌吳越奏遣上直指揮使處州刺史邵可遷秀州刺史路彥銖以戰艦百四艘士卒萬七千人屯通州

南岸唐主復遣劉承遇表獻江北四州於是江北悉平詔吳越軍歸本道賜錢弘俶犒軍帛三萬足通鑑後周紀

夏四月辛酉夜錢塘城南火延及內城官府廬舍幾盡壬戌旦火將及鎮國倉吳越王弘俶久疾自強出救火火止曰吾疾因災而愈衆心稍安通鑑後周記
八月壬辰命西上閣門使曹彬使于吳越賜吳越王弘俶騎軍鋼甲二百步軍甲五千及其他兵器通鑑後周紀

宋太祖建隆元年二月以天下兵馬都元帥吳越王錢俶為天下兵馬大元帥俶名上一字犯宋諱故去之三月吳越

王來賀登極續通鑑宋紀

九年二月己未吳越國王俶及其子鎮東鎮海節度

杭縣志稿卷二

使惟濬等入見崇德殿宴長春殿帝數召俶及惟濬演射苑中留惟濬侍遣俶歸國續通鑑宋紀

太宗太平興國三年吳越王錢俶入朝國除置知州

事先是三月己酉吳越王俶入見於崇德殿寵賚甚厚即日賜宴長春殿俶僚佐崔仁冀等皆預坐五月

會陳洪進納土俶遂決策上表獻所管十三州一軍帝御乾元殿受朝如冬至儀俶退朝將吏僚屬始知

之皆慟哭曰吾王不歸矣凡得縣八十六戶五十五萬六百八兵十一萬五千三十六丙戌命考功郎中

范旻權知兩浙諸州事旻初自淮南歸廬多遜言杭

州初復非旻不可治帝乃謂旻曰卿且為朕行即當
召卿矣錢氏據兩浙逾八十年外厚貢獻內事奢僭
地狹民衆賦歛苛暴雞魚卵菜纖悉收取升斗之逋
罪至鞭背少者數十多至五百餘訖於國除民苦其
政旻既至悉條奏請蠲除之詔從其請丁亥徙封俶
為淮國王其後徙封漢南國王後又封鄧王戊子詔
赦兩浙諸州給復一年咸淳志續通鑑宋紀宋史太宗本紀

案是年又封俶子惟濬惟治孫承佑為淮南鎮
國泰寧等節度使惟宋自太平興國二年詔諸
州直屬京師長吏得奏事天下節鎮無復有領

杭縣志稿卷二

支郡於是節度使無職掌無定員恩數與執政
同以待宗室近屬外戚國壻年勞久次者與唐
之藩鎮名同而實大異俶封國王與其子孫所
為節度使皆其例也

五月始以刑部郎中楊克遜為兩浙西南路轉運使
祠部郎中劉保勳為東北路轉運使各有副使咸淳志
八月丙辰詔兩浙發淮海王錢俶總麻以上親及所
管官吏悉歸闕凡舟千四百艘所過以兵護送之於
是俶子惟治悉奉兵民圖籍帑廩管鑰授知杭州范
旻與其弟惟演等皆赴闕詔遣內侍勞於近郊壬申

對於長春殿各賜衣帶鞍馬器幣續通鑑

四年改錢江縣為仁和縣元豐九域志

案乾道志湯村本名仁和鎮端拱元年改蓋既為縣遂改鎮名而仁和縣管之安仁東鄉有仁和里亦見咸淳志知仁和之名著稱久矣

端拱元年置仁和臨平鎮乾道志

案宋史職官志諸鎮置於管下人烟繁盛處設監官管火禁或兼酒稅之事所謂監鎮是也臨平記真宗天禧初金承來監臨平都酒務載諸安平院寶幢碑記今知太宗置鎮時當已有監

杭縣志稿卷二

官而臨平之戶口繁盛商賈買賣者往來輻輳在宋初且然特南渡後杭為行都如夢梁錄說臨平鎮市尤繁盛耳咸淳志諸鎮隸仁和縣者有江漲橋范浦湯村三鎮湯村尋廢

淳化四年十月分天下郡縣為十道杭屬西浙宋史

本紀浙江通志

五年冬十月乙巳改杭州鎮海軍為寧海軍宋史太宗本紀

至道二年以越王元份為杭州大都督太宗本紀

三年分天下為十五路十曰兩浙路杭州屬焉宋史地理志

仁宗天聖八年定天下為十八路杭州屬兩浙路文獻通考

神宗熙寧七年分浙東西兩路杭州屬西路尋復合之九年復分為兩路十年復合咸淳志宋史地理志萬曆志

元豐四年團結東南諸軍置崇節軍於杭州宋史岳志

哲宗元祐四年以龍圖閣學士蘇軾知杭州開西湖

疏茅山鹽橋河修治堰閘濬城中六井又取葑田積

湖中南北徑三十里為長隄以通行者隄成植芙蓉

楊柳其上望之如畫圖杭人名為蘇公隄凡與民興

利除害講究甚悉郡人德之為立生祠咸淳志浙江通志

杭縣志稿卷二

徽宗大觀元年升杭州為帥府杭州領縣九錢塘望

有鹽亭仁和望宋史地理志

宣和二年冬十月建德軍清溪妖賊方臘反午二月

陷富陽新城遂逼杭州乙未陷杭州知州趙霆宋史作震

遁節置直龍圖閣陳建廉訪使趙約詬賊死賊縱火

六日死者不可勝計帝乃以譚稹為兩浙制置使童

貫為江淮荆浙宣撫使率禁旅及秦晉蕃漢兵討之

三年春正月臘將方七佛引衆六萬攻秀州統軍王

子武乘城固守已而大軍至合擊賊斬首九千賊退

據杭州二月貫鎮前鋒至清河堰賊列陣以待王師

水陸並進戰六日斬賊二萬臘復焚官舍府庫民居
乃宵遁大兵入城三月臘再犯杭州步兵都虞侯王
稟等戰於城外敗之時劉廷慶由江東入復歙州出
賊背王稟辛興宗等自杭趨睦
取睦州與江東兵合四月賊還清溪幫源洞王淵禕
將韓世忠問野婦得境即挺身直前擒臘以出械送
京師之四年三月餘黨悉平臘之起破六州五十二縣
宋紀清溪寇執
凋瘵續通鑑
宋紀清溪寇執

四月詔兩浙江東被賊州縣給復三年續通鑑

五月己亥詔杭越江寧守臣並帶安撫使續通鑑

欽宗靖康二年浙西路勤王兵杭州二千人合湖秀

常三州平江鎮江二府共六千七百五十四人以二

杭縣志稿卷二

月七日起發東都之陷已累月矣陸游老學庵筆記

